

Iniziativa da proporz – «per elecziuns gistas»

In comité independent ha lantschà ina iniziativa populara per l'introducziun dal proporz

■ (mc) Dapi onns è la procedura d'elecziun dal cussegl grond dispitaivla. Già sis emprovas da remplazzar il sistem da maiorz cun il proporz han fatg naufragi. Las ultimas giadas è il resultat dentant stà ordvart filà. Depu- tà *Andrea Davaz* (pps) menziuna che era la regenza grischuna haja constatà che ina midada dal sistem da maiorz vers in sistem da proporz saja giustifigada en vista a las midadas da las relaziuns politicas e da la societad. La regenza veglia dentant realisar questa refurma pir suentar las elecziuns da 2014. Plirs experts giuridics hajan constatà che la conformitad constituziunala da sistem da maiorz saja dubitaivla. *Andrea Davaz* punctuescha che il dretg d'eleger saja in dretg fundamental e che la represchen- tanza da las burgaisas e dals burgais saja in impurtant princip d'in sistem elector- al. Suentar che l'iniziativa da proporz da la pps vegnia probabel declarada per nunvalaivla hajan ins tschertgà il discurs cun exponents d'autras partidas, ha de- clarà *Davaz*. La finala saja reussì da fur- mar in comité represchentativ sur las partidas che consista d'exponents da la pps, ps, verd-liberals, evangelics, inde- pendent e las partidas giuvnas da pps e ps. La finamira da quest comité saja che las elecziuns dal cussegl grond da 2014 possian finalmain succeder tenor in si- stem che correspundia a las pretensiuns dal Tribunal federal.

Sis giadas na al proporz

En il decurs dals ultims 75 onns haja il pievel grischun gì betg main che sis giadas l'ocasiun da s'exprimer davart il proporz, numnadain 1937, 1947, 1960, 1982, 1996 e l'ultima giada 2003 en il rom da la revisiun parziala da la constituziun chantunala, ha tradì *Anita Mazzetta*. L'onn 2009 haja la pps inoltrà ina nova iniziativa per l'introducziun dal



La nova iniziativa da proporz vul far squitsch per introducir il sistem da proporz gia tar las elecziuns dal cussegl grond da l'onn 2014.

FOTO: N. SIMMEN

proporz. Tant la regenza sco la cumissiu- dal cussegl grond proponian da refusar l'iniziativa. Quai che possia parair sco sfurzim na saja dentant insumma betg quai. I dettia bler buns arguments da bat- ter vinavant per l'introducziun dal pro- porz, punctuescha *Anita Mazzetta*. Pri- mo saja il Grischun sper ils dus Appen- zells il sulet chantun che elegia ses parla- ment chantunal tenor il sistem da maiorz. Secundo saja il sistem da pro- porz tant politicamain sco giuridicamain dispitaivel, quai constateschia dal remi- nent era la regenza. Terzo hajan era mi- noritads ina schanza en il sistem da pro- porz che resguardia era la viarietad d'opi- niuns. Pliras partidas pitschnas spetgian

dapi blers onns sin pussaivladads ade- quatas da sa participar a las decisiun po- liticas en il cussegl grond. La refurma ter- ritoriala che preveda da stgassar ils circuls affirma la giustificaziun da la midada dal sistem electoral. La regenza haja dentant adina puspè spustà quest postulat sin pli tard. Tenor la proposta da la regenza duai il cussegl grond vegnir elegì pir a partir da 2018 tenor il nov modus, forsa den- tant era betg. Suentar sis naufragis stop- pian ils adherents da proporz anc viver set e dapli onns cun quest sistem antiquà. Ins na veglia betg cementar las structur- as actualas da pussanza, di *Mazzetta*. «Il temp per dar al Grischun in sistem electoral adattà al temp è urgent e duai

perquai vegnir introduci gia tar las pro- ximas elecziuns, punctuescha *Anita Mazzetta* concludend.

Ina vusch ha ina valita differenta

Il giurist ed econom *Gianni Müller* (verd-liberal) di ch'il sistem da maiorz sa- ja malgist e chaschunia malcuntentezza. En il sistem vertent haja ina vusch ina forza differenta. A Cuira stoppian ins avair passa 1800 vuschs per esser elegì, en il circul dad Evras tanschia quai cun radund 30 vuschs. Ina suletta vusch en Evras valia consequentamain radund 60 giadas dapli che ina vusch a Cuira. Il si- stem da maiorz includia immanentamain malgistadads. Il maiorz violeschia

la forza da las relaziuns politicas damai ch'el favuriseschia las partidas grondas e reduceschia las schanzas da las partidas pitschnas. Tals sistem haja la Dretgira federala taxà repetidamain sco betg con- furms a la constituziun. Il proporz re- sguardia la procentuala da la populaziun tar la repartiziun dals mandats e dettia uschia er ina schanza a gruppaizuns pitschnas e schizunt a persunas singulas. «Il proporz è pli gist e pli fair che il maiorz», accentuescha *Gianni Müller*. Quai saja acceptà sin palancà svizzer nua ch'ins haja introduci gia 1919 il proporz tar las elecziuns dal cussegl naziunal e tar la gronda part dals parlaments chantu- nals.

Sistem cun 39 circuls contrafa a la constituziun

Per il giurist *Andrea Bianchi* (ps) contrafa il sistem da maiorz actual cun 39 circuls electorals a la constituziun. Pervia dals numerus circuls pitschens e la garanzia che scadin circul haja almain 1 repre- schentant vegnia la forza politica en il parlament sfalsifigada. La voluntad dad electuras ed electurs na sa reflecteschia betg en la cumposiziun dal parlament, è *Bianchi* persuadì. L'iniziativa pretenda ch'ins resguardia en l'avegnir ils districts (u las regiuns) sco circuls electorals. Sche ils districts vessian da vegnir abrogads entras la refurma territoriala duai il legis- latur avair la cumpetenza da fixar da nov ils circuls electorals. Tenor la pratica da la Dretgira federala na dastgian ils circuls electorals betg avair ina grondezza tal- main disproporziunada. Tenor *Bianchi* fissi era pussaivel da stgaffir colliaziuns da circuls electorals u ina repartiziun dals mandats da partida sur l'entir chantun. Il pli ideal fissi dentant da stgaffir en il rom da la refurma territoriala unitads territorialas da grondezza paregliabla, re- sumescha *Bianchi*.